

UGOVOR O JAVNOJ NABAVCI USLUGA

Zaključen dana 04.10.2018.godine u Sarajevu između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Naručilac usluga**), koga zastupa **Direktor Preduzeća mr.sci. Nermin Demirović, dipl.ing.šum.**

i **242**

„SGS“ Slovakia spol.sr.o, Kysucka 14, 04001 Košice, Slovačka, registrovano kod okružnog suda u Košicama, Izvod iz registra broj:SKO/977IV od 11.02.1993. godine; identifikacioni broj: 31 350 810; PDV broj: SK 2020315099 (u daljem tekstu: **Izvršilac usluga**) koga zastupa **Milan Toth.**

(u daljem tekstu : **Ugovorne strane**)

Član 1.

Predmet ovog Ugovora je javna nabavka usluga za potrebe **Naručioca usluga** u 2018.godini, i to:

- **Usluge revizije FSC Certifikata**

a u svemu prema Obrascu za cijenu ponude za Usluge revizije FSC Certifikata koji je sastavni dio ponude Izvršioca usluga, protoklisane kod **Naručioca usluga** pod brojem: 0103-2203-15/18 od 18.09.2018. godine, a koji su prilog ovog Ugovora i njegov sastavni dio.

10805

Ukupna vrijednost javne nabavke usluga iz prethodnog stava iznosi **9.990,00 KM**, bez uključenog iznosa pripadajućih indirektnih poreza, odnosno PDV-a.

Član 2.

Ovaj Ugovor se zaključuje na osnovu Zapisnika o ocjeni kvalifikovanosti kandidata, broj: 0103-2203-8/18 od 31.08.2018.godine., Odluke o rezultatu pretkvalifikacije, broj: 0103-2203-9/18 od 31.08.2018.godine, Zapisnika o pregovaranju, broj: 0103-2203-12/18 od 11.09.2018. godine i pravosnažne Odluke o izboru najpovoljnijeg ponuđača, broj: 0103-2203-18/18 od 18.09.2018. godine.

Član 3.

Naručilac usluga se obavezuje da će **Izvršiocu usluga** za izvršene usluge, koje su predmet ovog Ugovora, platiti novčanu naknadu u roku od 10 (deset) dana po ispostavljanju fakture, u skladu sa jediničnim cijenama usluga koje su dostavljene u Ponudi **Izvršioca usluga**, uplatom na transakcijski račun **Izvršioca usluga**, broj: SK 688130000002013500118 EUR, Bic/swift: citiskba.

Jedinične cijene i ukupna cijena ponude se neće mijenjati za vrijeme trajanja ovog Ugovora, u skladu sa Izjavom o **Izvršioca usluga** dostavljenoj u ponudi **Izvršioca usluga** broj: 0103-2203-15/18 od 18.09.2018. godine.

Član 4.

Naručilac usluga ne prihvata avansno plaćanje i traženje sredstava osiguranja plaćanja. **Naručiočeva** obaveza da isplati novčanu naknadu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Izvršilac usluga je dužan izdati/sačiniti fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i biće vraćena **Izvršiocu usluga** na usklađivanje.

Uslovi plaćanja i drugi uslovi koje **Izvršilac usluga** jednostrano unese u fakturu ne obavezuju **Naručioca usluga** ni onda kada je fakturu primio, a nije joj prigovorio.

Član 5.

Izvršilac usluga se obavezuje da će usluge koje su predmet ovog Ugovora započeti vršiti odmah po prijemu narudžbenice **Naručioca usluga** i da će iste završiti najkasnije do 31.12.2018. godine.

Pod vršenjem usluga se podrazumijevaju sve potrebne radnje koje je **Izvršilac usluga** dužan obaviti, prema ugovoru i prirodi posla, da bi **Naručilac usluga** mogao primiti naručene usluge.

Član 6.

Izvršilac usluga se obavezuje da će izvršiti usluge koje su predmet ovog Ugovora u skladu sa ovim Ugovorom, Sporazumom o licenci (Licence Agreement) i Ponudom **Izvršioca usluga**, protokolisanom kod **Naručioca usluga** pod brojem: 0103-2203-15/18 od 18.09.2018. godine.

Izvršilac usluga se obavezuje da će Naručiocu usluga predati svu dokumentaciju koja se odnosi na predmet vršenja usluga.

Član 7.

Mjesto vršenja usluga je prostor kojim gospodari Naručilac usluga KJP "Sarajevo-šume" d.o.o. Sarajevo.

Član 8.

Izvršilac usluga je obavezan usluge iz člana 1. Ugovora izvršiti u roku, na način i pod uslovima određenim Ponudom Izvršioca usluga i odredbama ovog Ugovora te pri tome postupati sa pažnjom dobrog privrednika odnosno s pažnjom dobrog stručnjaka u suprotnom preuzima i snosi punu odgovornost, troškove i rizik. U vršenju usluga Izvršilac usluga je dužan osigurati da iste u njegovo ime izvršavaju eksperti/stručnjaci iz predmetne oblasti sa odgovarajućim nivom znanja/vještina za konkretne usluge.

Član 9.

Izvršilac usluga se obavezuje da će za vršenje predmetnih usluga pažljivo odabrati tim u skladu sa njihovim sposobnostima rada i poslovnim aktivnostima Naručioca usluga.

Izvršilac usluga se obavezuje da će prihvatiti odgovornost za bilo koju štetu koju njegov radnik ili lice koje on angažuje za vršenje predmetnih usluga eventualno prouzrokuje Naručiocu usluga, i to samo u slučaju ako je tu štetu radnik ili lice koje je angažovano za vršenje predmetnih usluga prouzrokovalo namjerno ili iz krajnje nepažnje

Član 10.

Izvršilac usluga se obavezuje da će sve informacije koje dobije unutar okvira izvršenja ovog Ugovora u pisanoj i govornoj formi, zadržati u potpunoj tajnosti, te će iste koristiti isključivo u svrhu Ugovora i neće ih prenositi trećoj strani neimenovanoj u ovom Ugovoru bez prethodne pismene saglasnosti i odobrenja Naručioca usluga.

Član 11.

Izvršilac usluga se obavezuje da će prilikom vršenja predmetnih usluga poštovati sve procedure i dokumente SGS sistema/standarda.

Član 12.

Naručilac usluga se obavezuje da će odabrati jednog člana imenovanog u timu za provedbu procesa certificiranja, kao njegovog ovlaštenog predstavnika prema radnicima Izvršioca usluga ili licima koja su angažovana od Izvršioca usluga za vršenje predmetnih usluga, te da će ovlaštenim predstavnicima Izvršioca usluga omogućiti unutar uobičajenog radnog vremena pristup svim relevantnim područjima kojim gospodari Naručilac usluga, koja su vezana za temu certifikacije.

Član 13.

Naručilac usluga ima pravo da prije početka izvršenja ovog Ugovora, a nakon prijema imena radnicima ili lica koja su angažovana od Izvršioca usluga za vršenje predmetnih usluga, koje je Izvršilac usluga anagažovao u svom timu, ukoliko ima primjedbi na njihovu nepristarsnost ili nesposobnost, može podnijeti pisanu žalbu u roku od 3 (tri) dana direktoru Izvršioca usluga.

Naručilac usluga ima pravo da ukoliko ima primjedbi na ponašanja imena radnicima ili lica koja su angažovana od Izvršioca usluga za vršenje predmetnih usluga u toku izvršenja Ugovora pisane pritužbe na njihov rad dostavi direktoru Izvršioca usluga.

Član 14.

Naručilac usluga se obavezuje da će Izvršiocu usluga pružiti i sve dostupne informacije po pitanju poznatih ili nepoznatih potencijalnih opasnosti s kojima će se njegovo osoblje eventualno susresti tokom obavljanja poslova koji su predmet ovog Ugovora.

Izvršilac usluga je obavezan da osigura radnike ili lica koja su angažovana za vršenje predmetnih usluga tokom boravka na području kojim gazduje Naručilac usluga i to za slučaj nesreće na radu i van rada kao da svoje osoblje podvrgne svim potrebnim zdravstvenim pregledima.

Član 15.

Naručilac usluga se obavezuje da će Izvršiocu usluga obezbijediti potrebnu tehničku opremu i ured za pripremu dokumenata tokom revizije, a omogućit će Izvršiocu usluga i pristup svim pisanim ili izrečenim informacijama, koje se tiču šumskog gazdovanja.

Član 16.

Ovaj Ugovor stupa na snagu danom potpisivanja od strane ugovornih strana i traje do 31.12.2018.godine.

Član 17.

Ugovorne strane su saglasne s primjenom odredbi Zakona o obligacionim odnosima F BiH i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

Član 18.

Izvršilac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Naručioaca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 19.


Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost Općinskog suda u Sarajevu, Kanton Sarajevo, FBiH, Bosna i Hercegovina uz primjenu pozitivnog prava Bosne i Hercegovine.

Član 20.



Ovaj Ugovor je sačinjen u 6 (šest) istovjetnih primjeraka od kojih svaka ugovorna strana zadržava po 3 primjerka.

Za Izvršioca usluga


SGS Slovakia spol. s r.o.
Kysucká 14
040 01 KOŠICE

Broj: _____
Datum: 04.10.2018. godine

Za Naručioca usluga


Direktor
mr. sci. Nermin Demirović, dipl.ing.šum.
Izvršni direktor Oblasti za šumarstvo
Proha Adnan, dipl.ing.šum.
Izvršni direktor Oblasti za opšte poslove

Kečo Hidajeta, dipl. ecc.

Broj: 0103-2203-21/18
Datum: 04.10.2018. godine